

吳  
下  
方  
言  
考

吳下方言考卷十

武進胡文英繩崖甫輯

去韻二十四敬

二十五徑二十七沁附

盯

韓昌黎聯句鼻偷困淑郁眼剽强盯睇案剽掠視也。盯睇力視不釋也。吳人謂掠視曰剽眼。眼視定不釋曰盯。

𠂔

音敬

廣韻𠂔多力也。案𠂔多力也。又出力亦曰使𠂔。

坊音近

玉篇坊土壁案坊隔也吳中以土墼隔房間曰坊

磬音肯去聲

周禮介婦注雖有勤勞不敢掉磬案掉戾也磬難也吳中凡乖戾曰掉歪作難曰勒磬

筵音定

說文筵羅絲管也案筵所以抽絲也吳中紡棉亦用筵子

僦僦音禁

潘岳思遊賦前湛湛而攝進今後僣僣而方馳案  
僣僣行不顧貌今吳諺謂行不回顧曰僣僣然走  
也

瞽病

瞽音毛

莊子徐無鬼篇童子曰子適有瞽病有長者教子  
曰若乘日之車而遊於襄城之野今子病少痊案  
瞽病喻過失也今吳中性有所偏則曰瞽病俗作  
毛非

緊總

音經  
倭

元微之野節鞭詩。緊總野節鞭。案緊總柔而不斷也。吳中謂物之柔而久者曰緊總。

去韻二十六宥

羗

音休  
去聲

說文羗相誑呼也。案羗偽言以激也。吳中謂以偽言激人使往曰羗。

偃

音歐  
去聲

淮南子齊俗訓。偃者使之塗。案偃俯曲背也。曲背向下。易於塗地也。吳中謂低頭曲背曰偃。

夠

音詬

左太冲魏都賦繁富夥夠。案夠物滿也。吳中謂物滿足曰夠。俗借用設弓之彀非。

响

音吼

論衡天怒响吁之聲也。案响怒氣也。吳中謂懷怒欲發曰响。氣亦曰响。極了。

耐

音紂

楚辭招魂挫糟凍飲耐清凉些。案耐以冷水逼熱物也。吳俗於暑月以熱物置於凉水曰耐。

𦣻

音休  
去聲

異物志狼臙之民夜爲市以鼻𦣻金銀之好惡案  
𦣻以鼻分善醜也吳中謂不動念曰鼻也不𦣻𦣻

啣溜

盧仝詩不啣溜鈍漢案啣溜活變也吳中謂人之  
鈍者曰不啣溜

入韻一屋

二沃  
附

澤

音  
鐸

王逸九思冰凍兮洛澤案澤冰堅而垂也吳中謂

氷筴曰停澤

劑音速

南齊東昏時宮中語云趙鬼食鴨劑案劑薄切也  
今諺謂細切爲劑

𪔐音祝

許氏說文𪔐呼雞重言之案𪔐人呼雞使就食也  
今吳中呼雞聲曰𪔐

𪔐音叔

洛陽伽藍記呷啜鱗羹啖𪔐𪔐黃案𪔐咀吮物也



吳中謂咀物令出曰嘑。

嘑音蓄

左傳公嘑夫葵焉案嘑使犬聲今吳中使犬嚙物

輒曰嘑。

塔胡谷切

齊民要術凡下田停水處燥則堅塔案塔堅不散也凡土堅硬不散者吳諺謂之塔塔然也。

卦音僕

淮南子說林訓土勝水非一卦塞江案卦土塊也。

吳中謂土一塊曰一垤。

先

音陸

許氏說文其行先先案先跳也緣也吳中謂緣木曰先樹。

奧

音郁

荀子曾子食魚有餘曰泔之門人曰泔之傷人不若奧之案泔之以米瀋浸之恐其敗也奧之則以椒酒浸之而氣鬯故不傷人吳諺謂以椒酒浸魚肉曰奧。

媼讀若捉

後漢書中山簡王傳稱媼前行註媼猶齊整也今

吳諺謂頓而齊之曰媼。

媼音音

通俗文曰不媚曰媼可惡

去聲

曰媼

音怪

大醜曰𡗗

音孝

醜稱曰媼音愛案媼不入眼也吳中謂難看之物曰

媼眼。

𡗗音音

方言𡗗蹇也案𡗗行不敢疾也吳中凡不能大行

者曰逐步音趨

擢

音霍

前漢王莽傳。豪民滑吏。辜而擢之。案擢。取人物而霍然遂去也。今吳諺謂誘人之物不還曰擢。

搥

音殼

張平子西京賦。叉簇之所攙搥。案搥。擊勁物也。吳中謂擊曰搥。

拓

音託

杜少陵句。罷酒酣歌拓金戟。案拓。兩手張而依物。

也。吳中以手量布帛之長短曰拓。

摑

讀若郭

盧仝示添丁。父憐母惜摑不得。却生癡笑令人嗟。  
案摑掌聲。吳諺謂掌耳爲摑。

拈

音作

廣韻拈拈摸。案拈摸猶戲拈也。吳諺謂拈不定曰  
無拈摸。

斟

音視

許氏說文相易物俱等曰斟。案斟不虧也。今吳諺

謂買賣貨物不肯受虧曰真斟。

歎

音或

玉篇歎吐聲案歎歐吐之聲也吳中形歐吐聲曰歎。

歎

音濁

許氏說文歎歎也案歎歐吐聲歎俯而歐也吳中謂歐却曰歎出。

歎

音育

顧野王玉篇歎驚辭也案歎失驚而作聲也吳中

失驚而作聲曰阿歎。俗用喏非。

歎

音壑

班孟堅寶鼎詩吐金景兮歎浮雲。案歎欬而唾也。吳中謂強欬而唾曰歎。喉與鼻孔之交曰上歎。頭

髦

吳音祿

柳宗元龍城錄台人既辭去舟回如飛風髦髦而過案髦髦風勻而勁也。吳中謂風勁曰風骨。髦髦

沃

廣雅沃低也。案沃低頭也。吳中謂人高勢下曰沃。

瀟音速

張平子思元賦迅飈瀟其騰我今案瀟疾速貌吳  
諺謂物去之疾者曰瀟瀟然也

漉

樂府平陵東辭血出漉歸告我家賣黃犢案漉血  
出貌今諺謂血出多曰血漉漉

漚

郭景純江賦潰漉洑音潮案洑漚猶激汨水盪作  
聲也吳諺謂水波近岸聲曰激漚又漚溢出也吳



中持水被搖溢出爲漚。

涿

許氏說文涿流下滴也。案涿物漬水既出而流滴不止也。吳中謂受水而流滴曰涿。涿然滹也。

燒

音鹿

韓昌黎韓中立墓志謂南方多水銀丹砂雜他奇藥燒黃金案燒翻攪鍊之也。吳中翻攪燭物曰翻來燒去。

甌

音鹿

廣韻𪔐𪔐𪔐音占案𪔐𪔐即𪔐也吳中惡丐以𪔐自

擊名曰砮音得𪔐

盥音祿

考工記漚絲清其灰而盥之案盥略洗即絞也今

吳諺於物之不甚洗者輒曰盥

礪若谷切

木元虛海賦影沙礪石案礪水滉瀟物也吳諺物

為水浪所移動曰礪

砮音篤

廣韻、磬砒、

音砒

玉篇云、落石也、案、砒、取石而擲、義小

曰、砒、

音得

字、吳中謂以鐵錐擲物者曰砒、標。

砒

古谷切

馬季長長笛賦、簡積頽砒、案、簡、竹簡、頽、頭也、砒、首  
長貌、吳諺謂童子已長者曰長頭、砒、砒、

确

音殼

世說、客問樂廣、旨不至者、樂亦不復剖析文句、直  
以麈尾柄确几口、至否、案、确、小擊也、今吳諺謂擊  
曰确。

絡

易林、衣敝如絡、案絡穿也、吳中謂衣爛破者曰盒絡結。

曠

音郭

廣韻、曠耳曠、案曠耳後邊也、吳中謂掌人面曰打耳曠。

蔘

音鹿

韓詩有敦瓜苦、烝在蔘薪、章句云、蔘、衆薪也、案蔘高堆也、吳諺謂一堆曰一蔘。

絡

音塞

晉語趙簡子曰吾伏改絡血鼓音不衰案絡吐聲也从血各聲吳中謂歐物聲曰絡

譴

音演

廣雅譴惡也方言譴咎謗也案譴怨詛也吳中謂之惡祝音譴般

殺

音篤

許氏說文殺椎擊物也案殺椎擊物不用力也吳中泥匠用輓瓦嫌大則殺而小之又凡輕擊其物

而破皆謂之殺。

殭

霍音

廣韻殭辛殭殭案殭辣甚也吳中謂甚辣曰辣殭。

遂

祿音

淮南子精神訓遂然而來案遂無心輕舉也吳中厭小兒擾人則叱之曰遂來遂去。

馥

音

潘安仁射雉賦才于中輟馥焉中的案馥矢著聲

也吳中形矢著物聲曰馥。

鴿

音洛

韓昌黎聯句。猛斃牛馬樂妖殘。梟鴿窮。案鴿夜鳴。

之鳥。吳諺謂之駱。

音格鴿鴿

百

音卜

左傳僖公二十八年。距躍三百。曲踊三百。案百跳躍聲也。吳諺有活百跳百。百跳之說。蓋晉文公以權誥御臣下。魏犢若不能生。則不如殺之以殉三軍。魏犢知其意。故爲此也。距躍。今諺謂之飛腳曲。

踊今諺謂之旋風

趙音薄

說文趙僵也案趙行而僵仆也吳諺謂行而僵仆曰合趙

嗑喔

王逸九思譏譏令嗑喔案嗑喔咽物聲吳中謂咽物作聲曰嗑喔

一斛

齊民要術作豬蹄酸羹一斛法案一斛一齊也吳



中謂一齊熟曰一斛熟。

刺促

上音威

王隱晉書和嶠刺促不得休案刺促小聲私語也。今吳中謂人小聲私語曰刺促。

吳落

吳音活

史記律書西至於弧。弧者言萬物之吳落且就死也。案吳落搖動也。吳諺謂物搖動曰吳落。

媒黠

音屑讀

漢書枚臯不通經術。詼笑類俳倡。爲賦頌好嫚戲。

以故得媒黷貴幸。案媒黷不爲人所敬也。吳諺謂待人未蔡者曰媒黷。

彳亍

音屑棟

潘安仁射雉賦。彳亍中輟。案彳亍小行步聲。中輟言雉疑畏欲行中止也。吳人謂小行聲曰彳亍。

拍拍

韓昌黎病鴟詩。青泥揜兩翅。拍拍不得飛。案拍拍飛聲。今鳥飛則拍拍然作聲也。

指摘

摘音觸

吳下方言考

卷十

三

前漢賈誼傳一二指拵案指拵猶指摘也。今吳諺謂發人之短曰指拵。

撲朔

木蘭行雌兔脚撲朔雄兔眼迷離案撲朔不著實也。吳諺謂不著實曰撲朔。

昔粟

北史魏陽固刺譏疾嬖幸詩彼諂諛兮人之蠹兮刺促昔粟罔顧恥辱案刺促私語聲昔粟私行聲。今吳諺謂密行曰昔粟然聲也。

日著

著音逐

賈誼新書日著以請之案日著每日如此也吳中謂論日計事曰日著

暴暴

音僕

荀子暴暴如坵山案暴暴物長貌今吳諺謂物長曰暴暴然也

翬秃

上音鹿

北齊楊愔被殺先是童謠曰白羊頭翬秃殺獬豸頭生角案翬秃無毛貌吳諺謂頭無毛曰光翬秃

滴沍沍音督

農家諺上火不落、下火滴沍、案滴沍、雨滴聲也、吳

中謂雨零滴聲曰滴沍。

渥沍音握督

韓詩顏如渥沍、其君也哉、案渥沍、平常也、言顏貌

雖似乎平常、而德足以爲君也、吳諺以平常爲渥

沍、

石博

南史東海徐文伯、診宋武路太后病、曰此石博小

腸耳。案石博如石之堅不得下也。今諺謂腹脹之堅者曰石博博。

漉漉

素問。無刺漉漉之汗。案漉漉汗大出貌。吳中謂物大溼者曰溼漉漉。

獨漉

古詩。獨漉獨漉。水深泥濁。案獨漉。漉泥水聲。吳中謂泥水油酒類濁聲皆曰獨漉。

睽睽

音祿

王逸九思哀世兮睒睒案睒睒目轉視貌吳中謂  
轉視曰括睒睒

確沔

音的篤

廣雅確沔碓也案確沔敲物小聲也吳中形敲物  
小聲曰確沔

撲欬

音撲速

劉父雪車詩輕輕緩緩成撲欬案撲欬鬆浮貌吳  
諺謂不著實曰撲欬

落度

度音鐸

晉書元超元弟大落度、案落度、寬緩無用也、吳中謂衣寬大而不中程者曰落度。

### 祿菼

南史陸厥傳、王斌弊衣於瓦棺寺聽雲法師講、坐僧正慧超空席、超罵曰、乃得此道人、祿菼似隊父、唐突人、案祿菼、衣破零落也、吳中衣破者謂之祿菼。

### 膈膊

音撇撲

古兩頭纖纖詩、膈膈膊膊雞初鳴、案膈膈膊膊雞



拍翼聲也。今諺謂雞拍翼聲曰。𦏧𦏧。

角觶

音谷  
像

世說。輕在角觶中。爲人作議論。案角觶。牆根隱隙之地也。吳中謂門後暗地曰角觶。

鏃鏃

音簇

世說。謝鎮西道。敬仁文學。鏃鏃無不能新。案鏃鏃。如箭之新治而尖也。吳中謂物之新者曰鏃。鏃新。

錄錄

史記寶嬰傳。此特帝在郎錄錄。設百歲後。是屬寧。

有可信者乎。案錄錄衆口紛雜貌。吳諺謂紛爭不一曰錄錄翻。

踳蹠

音姪鐸

司馬相如賦。踳蹠輶轄。案踳蹠小行而響也。今吳諺謂行路聲曰踳蹠。

陸陸

揚子太元經法之次五繡陸陸。餅實腹。案陸陸放綆入井聲也。吳中形放綆入井聲曰陸陸。

陸軸

齊民要術曳陸軸十遍案陸軸圓石如軸吳中鄉人謂之滾場陸軸

碌碌

音祿

老子道德經不欲碌碌如玉珞珞如石案碌碌光潔貌吳諺謂物之光潔者曰光滑碌碌

雒雒

柳宗元平淮夷雅歌公曰徐之無恃雒雒案雒雒衆行貌今吳諺謂稱人行者衆曰陶陶雒雒陶陶另見

齷齪

音屋促

史記。齷齪不足齒數。案齷齪。瑣屑而不潔也。今吳諺謂不潔爲齷齪。

𦏧

音戟郭

元包經爪。𦏧。案𦏧。指骨屈伸作聲也。吳中凡筋絡骨節搖動聲皆曰𦏧。

吳下方言考卷十一

武進胡文英繩崖甫輯

入韻三覺

千藥十七洽附

俗

音答

玉篇俗合取也案俗物於一處而併取之也又凡物之相合者皆曰俗

刺

音辣

揚子方言所以刺船謂之篙案刺攔也吳中船戶使篙曰刺俗讀作譏刺之刺誤

𠂔音戛

顧野王玉篇𠂔也。案𠂔人衆不得入而力附之也。𠂔人衆不得出而奮力也。字从力从乙。乙有屈極求伸之義。故用力擠排而𠂔也。吳中以人衆不得出而用力擠排爲𠂔。音翦

𠂔音聲上

元包經睛之𠂔目之動也。案𠂔目轉也。吳中謂目偶見曰𠂔。

咭

音答

揚雄蜀都賦齊咭楚而喉不感慨案咭雜也僂也

吳中謂僂雜而言爲咭嘴

噓

音戛

前漢敘傳談笑大噓案噓放聲大笑也吳諺謂笑

之甚曰噓噓然又昌黎與李正封聯句親交獻諛

噓

咀

音楊

韓昌黎張徹墓誌銘我銘以貞之不肖者之咀也

案咀、怒而不然之辭，亦相輕之聲也。吳中輕人則  
哂曰咀。

咋音  
闌

左傳定八年季桓子咋謂林楚曰：而先皆季氏之  
良也。案咋，謂不意中忽然與言也。今吳人出不意  
而與言曰咋。幕頭幕作莫字尤雅。莊子：莫然有間  
而子桑戶死，莫然猶忽然也。

哕音  
市

顧野王玉篇：哕，多言也。吳人以傍人多言爲哕。



墜

音煞

廣韻、墜、食貌、案墜、食之疾而無聲也、吳中謂食物甚速而不覺者曰墜、墜、響食也、

塿

音拔

周語、王耕一塿、案塿、土大塊也、吳中謂大土塊曰土塿頭、

圻

音九

郭景純山海經註、可以去垢圻、案圻、足跟老繭也、今江南浴時卽以洗石磨去老繭、不磨則圻、脚痛、

也。吳中凡肌肉爲物所梗曰圻痛。

慢音九

謝靈運撰征賦且夫殺義害嬰而慢豐疑縲案慢  
心中不和也。豐謂沛公也。今吳諺謂與人心意不

和曰橋。音橋。慢去聲。

扱音煞

說文扱收也。案扱收藏於身也。吳中謂私藏物於  
身曰扱。

擗音箒

尙書大傳、搯弁者爲文、爨竈者有容、案搯、搯通、弁盤通、吳中謂持曰搯。

措

音開

史記梁王世家、李太后與爭門措措、案措、謂門扇所夾也、吳中謂忽然被夾傷曰措。

招

音恰

三國魏志、侍中傅翼招蘇則曰、非謂卿也、案招、以指甲切人膚也、吳中謂人之刻薄者曰鏃招。

押

樂府地驅歌押殺野羊案押壓物於肩背而重也

吳中謂壓肩曰押

捽音煞

漢書貢禹疏農夫父子暴露中野不避寒暑捽草  
杷土案捽除去草殼也吳人欲用草者必捽去其  
殼

擦

顧況杜秀才畫立走水牛歌淺草平田擦過時大  
蟲着鈍幾落井案擦措擦也忽然而過也吳中謂

揩曰擦

幹

音據

前漢食貨志、欲擅幹山海之貨、案幹、量物不順理也、吳諺謂量物去面不量、用斗深入者曰幹。

𦣻

音煞

王建簇蠶辭、場寬地高風日多、不向中庭𦣻蒿草、案𦣻、曬透不使還洮也、字从日从煞、以日力終之也、今吳諺謂曬透不復性者曰𦣻伏。

楊

史記貨殖傳。楊布皮革千石。案。楊以錢置貨。藏待善價也。今諺謂以錢蓄貨待價曰楊。

楊

唐書食貨志。茶商所過諸道置邸以收稅。謂之楊地。錢案。楊着地置物也。吳諺謂着地爲楊地。

枯

烏刮切

樂府隔谷歌。弓無弦。箭無枯。案。枯。箭受弦處。使枯住難動也。吳中以木栒作岐曰枯。

滑

論衡滑習章句案滑獨也吳中謂獨如此曰滑

汧音開

穀梁僖八年鄭伯乞盟蓋汧之也案汧謂忽來忽去也吳中謂忽而來去曰一汧

滅音審

許氏說文滅滅也案滅用滅布拂去浮塵也吳中用布巾去几案之塵曰滅

爚音淪

搜神記兒眼爚爚案爚爚東西睽視也吳諺謂凝

視曰眼。燐。燐。

灼

音着

揚子方言。灼。驚也。案。灼。火起也。事之可驚者。莫如火。故一聞失火。則人人驚惶也。吳中謂火燃曰灼。

疵

音荅

韓昌黎征蜀聯句。念齒慰徽黹。視傷悼癰疵。案。疵。瘡疤也。吳諺謂瘡疤高起曰疵。

癩

音辣

揚子方言。凡飲藥傳藥而毒。南楚之外。謂之癩。案。



痢惡不可受也。吳諺謂受大苦難之事曰受苦痢。

皤

音削

史記屈原列傳：皤然泥而不滓者也。案皤，白光貌。今吳諺謂白之甚者曰皤白，光明之甚者曰皤亮。

毖

七雀切

爾雅：大而毖楸，小而毖榎。案毖，皮又起不順也。吳諺謂物之光滑者曰無毖，絲逆其毛曰毖毛。

眨

音霎

盧仝月蝕詩：毒蟲頭上喫卻月，不啄殺，虛眨鬼眼。

明突竈

音挾血

案眨目瞼數啟閉也吳諺謂眼不定

曰眨眼

睒

音招

玉篇睒困悶眼案睒目倦欲眠也吳中謂目倦欲

眠曰澁睒睒

確

音散

唐語林破確巨石案確石穿水飛出也吳中謂石

塊逆水飛流曰確

砒

音荅

史記李斯傳十公主砒死於杜案杜地名砒謂擲地而斃之也吳中謂怒擲物於地曰砒。

審

音荅

許氏說文審口滿食也案審口辨味也今吳人於口中尋味作聲曰審。

糲

音辣

玉篇糲粗也案糲磨不細也吳中謂粗磨米麥類曰糲。

抹

音抹

淮南子、鈞之編也、一端以爲冠、一端以爲絛、冠則戴致之、絛則蹶履之、案絛、足衣也、或作絛、今俗多用襪字、

荅

史記漆千斗、麴鹽干荅、案荅、物屑置也、今吳諺謂堆灑起者曰一荅兩荅、

𦵿

音翟姓之翟

論衡、足所履、螻蟻𦵿死、案𦵿、足平而力也、吳中有𦵿脚跳之諺、

伐音

說文、伐、草葉多、案、伐、伐去其草而復長也、吳中謂割而復長曰、又一、伐、凡物次第而興曰、一、伐、二、伐、

領音

法華經、若狗野干、其行領瘦、案、領、行不穩也、吳中謂女人行不穩曰、搖頭、領手、

懸音

易林、遯之震、馳騁黑懸、案、懸、尾動也、吳中謂犬馬類尾動曰、搖頭、懸尾、

止音捷

玉篇止說文曰蹈也案止足縮而蹈也吳中謂拖足向後行曰止諺曰大蟲藥殺小蟲止殺

八

許氏說文八別音必也象分別相背之形案八別其

爲屬彼屬此也未八之前則彼此有分已八之後則物有專屬也吳諺謂與爲八如八我八他是也

瀉音攜

木華海賦瀉瀉浩汗案瀉水滿而概地也吳中謂

水過橋面曰瀉。

齧音塢

齊彭樂傳舉刀將下者三、噤齧良久乃止。案齧、齧齒聲。諺謂齧齒爲齧。齧斷物曰砧齧。

一搭

盧仝月蝕詩：當天一搭如煤炰。案一搭猶一塊一抔也。吳諺謂浮汙不多曰一搭。

瓢瓢音裸

韓昌黎征蜀聯句：怒髮猶拳拳。斷臂仍瓢瓢。案二

字俱從爪。舊從瓜。誤也。瓢指大動也。詽瓜微動也。吳諺謂廣攄爲瓢。重搔爲詽。

勾勾

音客塔

木元虛海賦。磊勾勾而相厯。案勾勾。水波相逐之聲。吳諺謂波浪相逐聲曰勾勾。

匱匱

音匣札

白香山得微之到宮後書詩。匱匱巔山萬仞餘。案匱匱不寬也。吳中謂地狹曰匱匱。

嘈嘈

下音開



陸士衡文賦務嘈噴而妖冶案嘈噴衆音並呈也  
吳中厭衆口並喧則曰嘈噴

噢喎

音郁  
振

韓昌黎詩噉奸何噢喎案噢喎食物聲吳中形食  
物聲曰噢喎

噏呷

音吸  
瞻

司馬相如子虛賦噏呷萃蔡案噏呷衣拂物聲吳  
中凡輕物相摩揩聲皆曰噏呷

炙轂

音隻  
刮

吳下方言考

卷十一

士

史記列傳談天衍雕龍奭炙轂過髡案炙轂健談之貌今吳諺厭喜談者曰炙轂

徼喜

音色拉

嵇叔夜琴賦紛徼喜以流漫案徼喜小聲也吳中形聲小而散曰徼喜

戛刺

下音辣

太平廣記許真君傳其船拽撥林木戛刺響駭其聲異常案戛刺物相摩措聲吳中形木竹摩措聲曰戛刺

拔刺

音跋  
拉

岑參詩拔刺飛鵝鶻案拔刺鳥飛翼作聲也吳中  
形鳥飛聲曰拔刺。

拉雜

樂府有所思拉雜推燒之案拉雜不問好醜併于  
一處也今吳諺於不整齊潔靜者謂之拉雜。

押鴈

音鴨  
拉

潘岳芙蓉賦押鴈雲布案押鴈密布作聲也諺謂  
密排相措之聲曰押鴈。

撥刺

淮南子琴戒撥刺案撥刺琴弦壓軫迕不成聲也  
今吳諺謂琴瑟不成聲曰撥刺

日脚

唐韋縠才調集無名氏古體夏詩彤彤日脚燒火  
井案日脚晷影也今吳諺謂去日之速曰日脚快  
也

槩脚

世說槩脚令上案槩脚猶索性也吳中凡事不妥

而欲竟其功者曰槩。脚如此也。

柞鄂

音雀

鄭氏秋官雍氏註獲柞鄂也。案柞鄂以木石作嵯嶒以困獸也。吳中謂參差杈枒之處曰柞鄂。

檣臘

音榻拉

世說檣臘亦放案檣臘洩氣聲今諺謔人詩之不工者曰檣臘然放也。

潑刺

王起漢武帝遊昆明池見魚銜珠賦先是潑刺巨

鱗案潑刺魚戲水聲吳中謂魚戲水聲曰潑刺

滑汰

汰音撻

蘇東坡秧馬歌聳涌滑汰如鳧鷖案滑汰滑而直去不跌也吳中謂手足靈便爲滑汰

癩癩

上音辣

唐王熊爲澤州都督時號餓父百姓歌曰前得尹佛子後得王癩癩案癩癩不潔也今吳中稱不惜身命者曰癩癩

白滯

下音開

南史齊褚澄謂李彥道曰汝病非冷非熱當是食  
白瀹鷄子過多所致案白瀹白水不下油鹽而畧  
煮之也吳中謂無調和而暫煮之物曰白晶音掠白  
瀹錢穆父請蘇東坡食晶飯東坡謂是白煮雞肉  
之類及食止有白飯白蘿蔔白湯而已因大笑爲  
飫

皺皺

音臘  
荅

玉篇皺皺寬皮貌案皺皺老人皮寬貌吳中形老  
人皮皺曰皮寬皺皺

紱陷

音麻闌陷  
亦音習

王延壽王孫賦屑紱陷以玃

玃上聲

玃

音欠

案紱陷紱

木辛痛也吳中謂屑紱木曰紱陷陷

确确

音確

戴叔倫屯田詞麥苗漸長天苦晴土乾确确鋤不

得案确确乾僵聲也吳中凡物之乾而堅者皆曰

乾确确

礫礫

式灼切

萬齊融三日綠潭篇素影沉沉對蝶飛金沙礫礫



窺魚泳案磔磔明光貌吳諺謂物之明者曰亮磔

磔

砉騞

音翕  
霍

莊子砉然騞然奏刀騞然案砉騞俱割物聲吳中  
謂利刀割物聲曰砉騞

簍筴

音隄  
若

廣韻簍筴玉篇盞水具案簍筴盥水器也其用與  
瓢同有柄吳中名簍筴

荅颯

下音  
煞

南史范泰嘗誚鄭鮮之曰卿乃居首僚今日荅颯  
去入遼遠案荅颯行不前貌吳諺謂行不前曰荅  
颯。

襲雜

文心雕龍襲雜並至案襲雜風雨交至之聲以形  
文藝之駢羅也吳中謂風雨交至聲曰襲雜。

踏跋

音塔  
殺

酉陽雜俎錢知微賣卜爲韻語曰世人踏跋不肯  
下錢案踏跋延緩貌吳中謂人作事遲緩曰踏跋。

賜達

音鉄

王逸九思、御者迷兮失軌、遂賜達兮邪造、案賜達、行路聲、今吳諺謂行路聲曰賜達。

迨逌

上音在合客之間下音路

顧野王玉篇、迨逌、行相及也、案迨逌、人在前而急行及之、步聲迨逌也、吳中謂奔路聲曰迨逌。

颯颯

音殺

北史、陳元康爲齊神武於穽下作軍書、颯颯運筆、不及凍、俄成數紙、案颯颯、捷速貌、今吳諺于作事

之速者曰颯。颯然作也。

紇綈紇塌

紇音客

雲溪友議崔涯與張祐齊名嘲妓詩云布袍皮襖  
火燒毡紙補空篋麻接弦更有一雙皮屐子紇綈  
紇塌出門前案紇綈紇塌曳破履聲也吳中形曳  
破履聲曰紇綈紇塌

四質

十三職附

𦵏

音執

許氏說文蠶盛曰𦵏𦵏𦵏盛也案𦵏蠶生盛而密

也。吳中謂物之密者曰密。𦵏𦵏。

𦵏讀若卒

史記漢文帝病癰。鄧通嘗𦵏吮之。案𦵏收之盡也。吳中謂小兒不得乳而猶吮曰𦵏。

𦵏音窒

玉篇𦵏咄也。案𦵏猶咄音堆也。吳中小聲呼人曰𦵏。

大聲曰𦵏。

𦵏音測

本行經。𦵏塞虛空。案𦵏盈也。吳中形物之盈者曰

塼如塼。滿塼尖是也。

怏音勃

王褒四子講德論。美玉蘊於砥砢。凡人見之怏焉。案怏。心口相語。以爲不然也。吳中凡見人珍此物。珍此人。而心以爲不然者。則心口相語曰怏。字从心失聲。

怵音述

漢書尉佗傳。要之不可怵。以好語入見。案怵。誘也。今吳諺爲人所誘曰怵。

拈音策

說文、拈、裂也、案拈、裂而離也、吳中謂手龜音春有瑩

鳳音曰拈。

搨音賊

廣韻、搨、打也、案搨、拳擊首也、吳中曰搨栗暴。

休音撮

說文、休、沒也、案休、沒水也、吳中謂沒水而洒曰休。

沒頭狷音貢

則則

姑溪題跋子玉直視則則案則則靜聽之貌凡人有所靜聽則其視必定吳中謂靜聽曰則則然聽也

叱叱

趙州見寒山拾得云久響寒山拾得到來只見兩頭水牯牛寒山拾得便作牛鬪師云叱叱寒山拾得咬齒相看案叱叱驅物之聲吳中凡驅物聲曰叱叱

啞啞  
尺音



儲光義田家雜興。啞啞笑輕薄。案啞啞笑聲。吳中  
形輕笑曰啞啞然笑也。

皤皤

音蟄

素問。遍身皤皤。微似有汗者。益佳。案皤皤滑貌。吳  
中形滑曰光滑。皤皤。

稠直

稠音條

李義山李肱所遺畫松詩。竦削正稠直。案稠直無  
曲折而適中之貌。吳諺謂人之文理平順曰稠直。  
人材溫雅亦曰稠直。

螯螯讀若執

李長吉感諷詩侵衣野竹香。螯螯蠶葉厚。案螯螯光厚而滑也。吳中有硬螯螯厚螯螯之諺。

頡實

齊民要術白頭蠶頡實蠶。案頡實厚實堅固也。吳中謂物堅厚者曰頡實。

骨直

史記龜策傳神龜知吉凶而骨直。空枯案骨直骨枯則直也。今吳中言骨頭爲骨直。

吳下方言考卷十二

武進胡文英繩崖甫輯

入韻七曷

五物十一陌十五合附

兀

鄧析子責疲者以舉千鈞責兀者以及走兔案兀足被刖而跛行也今吳諺謂屈足而行爲兀

刺

音勤

魏都賦蔡莽螫刺案蔡與蠶同莽刺人草也刺草勁劃破人膚也吳人謂不意中劃破肌膚曰刺

勃

漢光武讓吳漢曰。比勅公千端萬條。何意臨事勃  
亂案勃。謂不遵勅而更張也。今吳諺謂擊掇其物  
曰勃。

匏

音客

杜少陵麗人行。頭上何所有。翠爲匏葉垂鬢唇。案  
匏。細而可玩也。今吳諺謂細巧輕微之物曰細匏。  
匏又曰匏氣相。

龕

音客

樂府讀曲歌。茱萸持捻泥。龕有殺子像。案龕發語辭可也。吳諺謂可像曰龕。像可是曰龕。是龕字从龍合聲。

唇音蛤

郭景純江賦。鼓唇窟以溯渤。案唇連也。唇窟相連之窟也。諺謂同住曰唇住。

噉音不

玉篇。噉。妄說也。案噉。譖人使怒也。吳中曰挑噉。弄火。

噓音赫

韓詩外傳。桀噓然而笑。案噓。笑聲。吳中形笑聲曰噓。亦曰噓噓笑。

喝音曷

東漢竇憲傳。陰喝不得對。案喝。受寒打喝也。今吳諺謂之冷喝。

寤音忽

許氏說文。寤。臥驚也。廣韻。覺也。案寤。睡未久而忽驚覺也。吳中謂睡不久而醒曰一寤。

突

音脫

揚子方言、江湘間謂卒相見曰突、一曰出貌、案突、久意其來而不來、絕望其來而忽來也、吳中久俟不來、不意其來而忽來曰突、亦曰殭突、謂久已疑其殭爛而忽又突來、乃戲詞也、

尪

音殭

聲類、尪、骨差也、一云足病、案尪、手足偶蹉跌觸犯、受病不舒也、吳中謂手足觸傷不能舒曰尪、

鰓

音活

說文慙善自用之意也玉篇愚人無知也案慙愚人妄作也吳中謂愚而妄動曰慙作

懨

音掇

易林晋之恒魂微懨懨案懨氣息短也今諺晉童子讀書不力者曰懨氣

掇

音掇

荀子以已之焦焦受人之掇掇案焦焦心急也掇掇悶氣也吳中謂受悶氣曰掇掇

掇



漢書王嘉傳息夫躬孫寵告東平本章掇去宋宏更言因董賢以聞案掇謂粘破也吳諺謂粘爲掇

搥

音得

廣韻搥打也案搥打首也吳中以拳打首曰搥搥

敦

音勃

李義山李長吉小傳常所居窗中敦敦有烟氣案敦敦氣出貌吳中謂氣出曰敦敦然也

米

音潑

許氏說文米草木盛米米也案米草木盛長之貌

吳中謂草木盛長曰杳。杳然長也。

𪗇音得

玉篇𪗇訶也。案𪗇怒而呼人使覺故曰訶也。吳中凡怒而呼人使知曰𪗇。

飲音赫

張平子西京賦。飲澧吐鎬。案飲吸飲也。吳中謂無事露坐曰飲。西風北方稱飲茶爲飲。茶。

殭

鳥骨切

傅仲武舞賦。縱弛殭歿。案殭漸自低也。歿逝無形。

也。吳諺謂低頭受氣曰殛。勃物之不得出氣而微爛者亦曰殛。人之不發陽者曰殛人。

獨

音赫

玉莽傳恐獨良民案獨惴也。吳中謂使人驚恐曰獨。今俗借用嚇字。

盪

音曷

說文盪覆蓋也。案盪下有物而上覆蓋之不令出氣如吳中盪醬盪麪之類是也。

砮

音得

周禮秋官砮蕡氏掌去妖鳥之巢。註謂以石投擊其巢而去之也。今諺謂以瓦石擲物而下之曰砮。

腓

音跋

莊子天下篇腓無腓。案腓腿曲下脚脛上也。腓肉肥滿也。吳人謂腓上大肉曰腓。腓子。腓上聲

嘉

音奪

許氏說文嘉疾言也。案嘉言疾而多不得分明也。吳中惡多言者形之曰嘉。言煩而不能出口者亦名之曰嘉。

頌音

玉篇頌內入聲頭水中也案頌摔人頭令入水中也

吳諺謂摔人頭入水曰頌殺

僻脫

何平叔景福殿賦僻脫承便蓋象戎兵案僻脫戲不沾滯也諺謂敏捷爲僻脫今俗用撇

冷拈下音脫

揚子方言犬不吠而齧人曰冷拈案拈暫齧也狗於當前不吠不齧及已過追齧人足吳中名冷拈

狗。

勒帛

劉幾驟爲險語、歐陽公以硃筆抹之、謂之紅勒帛、  
案勒帛、語句警牙也、吳中謂語之重聲疊韻而不  
爽者曰勒帛。

嗑嗑

音客

孔叢子、子路嗑嗑、尙飲十榼、案嗑嗑、醉欲睡貌、吳  
中謂欲睡曰嗑嗑。

塞白

上音虱

歐陽公啟。敢辭塞白。案塞白。猶云免白也。吳中謂不得已而稍與人物曰塞白。

宓峇

音汲 蛤

馬季長長笛賦。雷叩鍛之宓峇兮。案宓峇。搖扞聲。今吳中謂物搖扞聲曰宓峇。

得得

貫休詩。萬水千山得得來。案得得。行點頭貌。吳中

謂點頭欲睡曰得得。衡

衡音充 去聲

拈隔

音吉 割

揚雄長楊賦建碣磬之虛拈隔鳴球案拈隔將鳴球而磬紐作聲也吳諺謂物之摩動作聲曰拈隔

榘榘音殳

玉堂間話此馬兼有榘榘牙出也案榘榘徽氣也

吳中謂徽物口榘榘

漑漑音脫

素問痛上漑漑然汗出案漑漑欲出虛汗之貌吳

中謂極虛曰虛漑漑

白淳



水經註灘頭白渚相堅持案白渚急流爭篙貌吳  
中謂物跳曰白渚

聽瞽

音測  
默

玉篇聽瞽欲臥案聽瞽欲臥而不欲人響動驚覺  
也吳中凡欲人臥而不驚曰聽聽瞽瞽

蠖託

音殭  
脫

軒渠錄天色汪去聲囊音撞不要吃溫吞蠖託底物案

蠖託不熱也吳中謂不冷不熱曰蠖託

歟歟

音吸  
赫

王廷壽王孫賦鼻鼭哈平聲鼭切以鼭鼭案鼭鼻

入息聲鼭鼻出息聲鼭欲泣聲吳諺謂小兒詐

泣曰鼭鼭

架架格格

荆楚歲時記春分日民並種戒火草於屋上有鳥  
如鳥先雞而鳴架架格格民候此鳥入田則以爲  
候案架架格格鳥聲也吳中亦有此鳥聲

八點六月十二錫九屑  
十四緝十六葉附

𡗗音乙

廣韻。𩚑，食也。案。𩚑，食物而私藏匿也。吳中私藏物而食曰𩚑。

刺音七

韓昌黎南溪始泛詩。拊舟入其間。溪流正清激。隨波吾未能。峻瀨乍可刺。案刺逆水而土也。吳諺謂魚上逆水曰刺。水魚。

𩚑音掘

揚子方言。𩚑，短也。案。𩚑，短不韻也。吳中謂物之短而無文者曰短。𩚑。𩚑。

呖  
匹音

顧野王玉篇呖吐呖呖案呖吐殘絲聲也吳中吐殘絲作呖呖聲

堀  
音別

許氏說文堀由同塊也案堀土塊也吳中謂土駢塊曰堀

塹  
音擊

後漢酷吏傳周新常築塹以自給案塹土駢也吳中謂土駢曰土塹

莫

極音

廣韻莫

莫力音

多節目也案莫莫理不順也多節

目謂木理不順也吳中凡人物之不順理者皆曰

莫莫

屨

息音

許氏說文屨履中薦也案屨屨也薦草也古者履太寬則以草屨之也吳中以物襯屨使履合足曰

屨

薛

雪音

馮衍顯志賦陟九嶷之峩嶢兮案峩壁立也辭尖  
貌吳中謂陟險曰峩謂尖峰曰辭尖

彌

音掘

啟顏錄彌尾爆蹄絕無伎倆一錢不值案彌馬怒  
而尾豎張也吳中謂小兒發悻而去曰彌

忔

音挹

史記齊王中子諸嬰兒小子病病得之少憂數忔  
食飲案忔小兒飲食時哭泣驚怖食停於胸而不  
下也吳中謂小兒停食爲忔

復

音別

左傳、復諫違卜、案復、故爲不順、謂倔彊也、吳諺謂  
倔彊爲復。

怵

音必

廣韻、怵、醜氣、案醜氣、以爲醜、而生氣、偏欲如是也、  
吳中謂故意倔彊曰怵氣。

代

音亦

廣韻、代、心動、案代、心動而不定、意欲其然而恐其  
不然也、吳諺曰、心浮代代。

戙

許月切

字林戙戙貌。一曰怒貌。案戙舉動莽貌。怒而不暇審顧貌。吳中謂舉動輕忽不暇詳慎曰戙。

捷

韓詩戢其左翼。註云戢捷也。捷其喙於左。案捷回頭向後也。今吳諺謂回頭向後曰捷轉頭。

振

音力

荆楚歲時記振狗耳。案振批而旋轉之使痛而叫也。今吳中凡持物旋轉之皆謂之振。



撻音

列子黃帝篇指撻無痛癢案撻兩指拈膚也吳中謂以指撻人膚而提之曰撻

梨音

左傳定九年陽貨盡借邑人之車梨其軸案梨斜刻而入也吳中形刻物之聲曰梨刻

檄音

爾雅無枝檄郭註檄權直上案檄直而無旁枝岐出及曲折也吳諺謂事物之無旁及曲折者曰檄

直。

漈音屑

古孤兒行、淚下漈漈、清涕纍纍、案漈漈、淚垂貌、諺謂淚垂曰漈漈。

威音血

許氏說文、威、滅也、从火戌、火死於戌、陽氣至戌而盡、案威就盡也、吳中謂移燈忽滅曰威隱。

趙音偁

廣韻說文、趙、走也、讀若無尾之屈、音偁案無尾、禿屈。

屈也。𨀊，怒而走出也。吳中謂人含怒不別而行曰

𨀊。

褻力音

顧野王玉篇褻，急纏也。褻，着衣太急而斜纏于

身也。吳中謂衣纏於身曰褻欠。

趺決音

戰國策，揆前趺後。案，趺，馬蹄踢也。吳中謂馬踢曰

杓。杓音趺子。

𨀊別音

荀子外闔而不閉、案閉、閉之實也、吳中謂門緊閉曰實閉、

關音歇

枚乘兔園賦、交頸接翼、闔而未至、案關、集也、吳中謂鳥集曰關、

颺許月切

木元虛海賦、蕩颺鳥濱、案颺、風吸物而疾移之貌、吳諺謂暴風擥物曰颺、

齧音立

古樂府。齒如五馬噉箕。川上高士嬉。案齒齒。齟齬然。

聲也。吳諺謂物碎聲曰齒齟。音

僊宰。音悉

劉禹錫桃源詩。虛無天樂來。僊宰鬼兵役。案僊宰。

響聲之微也。吳中形小聲響動曰僊宰。

刺刺。音七

短長說曰。亞父歸彭城。邑邑刺刺。案刺刺。不振貌。

今吳諺謂鬱不得意曰邑邑。同刺刺。

勃宰。音淳

司馬相如賦盤珊勃窣上乎金堤案勃窣女子無力登堤步步頓休之貌吳中謂搬移重物隨地轉掇曰勃窣。

勃窣

世說張憑勃窣爲理窟案勃窣散塵也吳中謂散塵爲勃窣。

惻力

晉明帝時童謠云惻惻力力放馬山側大馬死小馬餓案惻惻力力沙石無草之聲也吳中食飯菜

而有細沙者曰惻力。

叨鐵

玉堂閒話極是叨鐵。案叨鐵猶云沾擾也。吳中謝得人小惠曰叨鐵。

吃吃

飛燕外傳吃吃笑聲不止。案吃吃傾笑聲。今諺謂笑不大聲曰吃吃。

屹宰

音兀

郭景純江賦虎牙嶸豎以屹宰。案屹宰欲動貌。吳

中謂物搖動曰屹。宰。

戌律

任華懷素上人草書歌。翕若長鯨撥刺動海島。歟。若長蛇戌律透深草。案戌律去之疾也。從申酉戌亥之戌。吳中狀蛇行之速曰戌律。案史記律書。戌者言萬物盡滅。故曰戌。漢志畢入於戌。戌律之傳其來久矣。今諺有戌出來之說。蓋惡其殞歿而祝之也。

捷獵



王延壽夢賦。捷獵摧拉。案捷獵聲也。摧拉。摧枯拉朽也。吳中形摧枯拉朽聲曰捷獵。廼拉。

抹漆

盧仝月蝕詩。其初猶朦朧。旣久如抹漆。案抹漆黑色也。吳諺謂室暗不見曰漆抹黑。

殭殭

音抑息

揚子方言。殭殭微也。宋衛之間曰殭。自關而西秦晉之間。凡病而不甚者曰殭。殭案殭殭微病不能自振之狀。今諺謂病而不能大動者曰殭殭。

吳下方言考

卷十二

去

淅瀝

謝惠連雪賦霰淅瀝而先集。案淅瀝零落貌。今吳諺謂物之碎者曰淅瀝。

滴瀝

嚴武題巴州光祿寺楠木詩。花龕滴瀝垂清露。案滴瀝雨露零落聲。吳中形露下聲曰滴瀝。拓落。

淅淅

孟雲卿傷懷贈故人詩。稍稍晨鳥翔。淅淅草上霜。案淅淅白而散也。吳諺謂物之白而散者曰白淅。

浙。

激激

樂府戰城南曲。水聲激激。案激激。水聲也。吳中謂風吹水聲曰激。激汨汨。又海賦。汨汨汨汨。

睽歷

睽音血

王延壽王孫賦。睽睽歷而隳離。案睽

音環

轉視貌。睽

歷。視速貌。隳離。盲失貌。言其轉視甚速。宜乎能審。今乃隳離如此。故可醜也。吳諺謂眼光俊速者曰

睽。歷。尖。

磧歷

上音積

司馬相如上林賦下磧歷之坻案磧歷沙礫聲坻水邊高地吳中謂踏沙聲曰磧歷

禿楊

下音桀

禮明堂位註齊人謂無髮爲禿楊案楊禿貌吳諺謂物之禿者曰禿楊楊

籍籍

燕王旦華容夫人歌骨籍籍兮亡居案籍籍散碎貌吳中謂物之散碎者曰籍籍碎

色色

素問所謂色色不能久立久坐案色色虛弱貌吳中謂人之虛弱難支者曰虛色色

觶觶

盧仝月蝕詩天高日走沃不及但見萬國赤子觶觶生魚頭案觶觶頭簇聚也吳諺謂人聚曰觶觶然也

錫錫

顧況李供奉彈箏篴歌一聲一聲鳴錫錫案錫錫

散落聲筮篥似之也吳中謂聲之疎落者曰錫錫索索王建田家行簷頭索索縑車鳴索索亦聲也

餉結

上音噎

王逸九思仰長歎兮氣餉結案餉結獨鬱結也吳諺謂心不暢曰餉結